

ՆՈՐԻՆ ԳԵՐԱԶԱՆՑՈՒԹԻՒՆ ՄԻԽԱՅԻԼ ԿՈՐՊԱՉԵՒԻՆ ՆԱԽԱԳԱՀ ՍՈՎԵՏ ՄԻՈՒԹԵԱՆ

Մոսկուա

Մենք ՎԱԶԳԷՆ Ա. Կաթողիկոս Ամենայն Հայոց եւ ԳԱՐԵԳԻՆ Բ. Կաթողիկոս Հայոց Կիլիկեան Աթոռի, Բելգիայում հայկական նորակառոյց եկեղեցին Օծելու առթիւ միասին գտնուելով, Պրիքսելում եւ ապա Փարիզում մեզ ներկայացան բազմաթիւ Հայ պատգամաւորութիւններ՝ Ֆրանսիայից, Անգլիայից, Իտալիայից եւ Միացեալ Նահանգներից, մեզ յայտնելով Արտասահման բնակող երկու միլիոն Հայերի ծանր մտահոգութիւնները Լեռնային Ղարաբաղում վերջերս դրսեւորուող հակահայ քաղաքականութեան վերաբերեալ:

Մենք, արտայայտիչը հանդիսանալով նրանց արդարացի սպասումների, պարտք ենք զգում Ձեր բարձր ուշադրութեան յանձնել հետեւեալները՝ ա.— Արտասահման բնակուող Հայ ժողովուրդը լիայոյս է, որ Սովետական բազմազգ երկրի վերակառուցման ու դեմոկրատացման համար Ձեր ի գործ դրած հետեւողական ջանքերը, աստիճանաբար յաջողութեամբ կը պակսուեն եւ մօտ ապագային ողջ Սովետական Երկիրը կը գտնի իր նոր կեանքի ու զարգացման ուղին, ինքնիշխան ազգութիւնների համերաշխ ընտանիքում:

բ.— Վերակառուցման ու դեմոկրատացման կենսագործման ճանապարհին, Հայերը, նախապայմաններից մէկն են համարում արդարացի լուծույթ Լեռնային Ղարաբաղի Հայ ազգաբնակչութեան պահանջների բարարման, ազգութիւնների ինքնորոշման իրաւունքի հիման վրայ, այնտեղ ստեղծելով բոլոր օրինական եւ վարչական գործնական պայմանները, որպէս զի Հայ ազգաբնակչութիւնը ինքնիշխան կերպով տնօրինի իր վարչական, տնտեսական, կրթական, մշակութային եւ կրօնական կեանքը անկաշկանդ կերպով:

գ.— Կարծում ենք յարգարժան Տիար Պրեզիտենդ, որ անցնող երկու տարիների ողբերգական արհիւնալի իրադարձութիւններից յետոյ՝ Սումգայիդում, Բազում, Կիրովապատում եւ այլ վայրերում, ժամանակն էր որ Ձեր Պրեզիտենդական իրաւասութիւններով հաճիք անհրաժեշտը տնօրինել, որպէս զի վերոյիշեալ օրինական պայմանները իրապէս ու գործնապէս ստեղծ-

ունեն Լեռնային Ղարաբաղում, կանխելու համար նոր արհմայելություններ: ՂԺուար է պատկերացնել Սուվետ Միության ազգությունների համերաշխ գոյակցություն եւ գործակցություն, առանց յարգելու ազգությունների ազատ ինքնորոշման իրաւունքը:

Զեզ վստահեցնում ենք որ ողջ Հայ ժողովուրդի կամքն է՝ թէ Հայաստանում եւ թէ Լեռնային Ղարաբաղում, ինքնիշխան ապրել ու զարգանալ իր ստեղծարար ուժերով ու իր ազգային արժանապատուութեամբ Սուվետ Միության ազգությունների մեծ Ընտանիքից անքաժան:

Ընդունեցէք Մեծաշարժ Տիար Պրեզիտենդ, մեր ամենաչերս մաղթանքները Զեր քաջատողջութեան եւ Զեր հպրեմանուէր վերանորոգիչ իտիպկների լիակատար յաջողութեան համար:

Խորին յարգանքով՝

ՎԱԶԳԷՆ Ա.

ԿԱԹՈՂԻԿՈՍ ԱՄԵՆԱՅՆ ՀԱՅՈՑ


ԳԱՐԵԳԻՆ Բ.

ԿԱԹՈՂԻԿՈՍ ՄԵԾԻ ՏԱՆՆ
ԿԻԼԻԿԻՈՑ

Փարիզ,

14 մայիս 1990





ՀԱՆՈՒՆ ՀԱՅ ԵԿԵՂԵՑՈՒ ԱՄԵՆԱՅՆ ՀԱՅՈՑ ՀԱՅՐԱՊԵՏԻ ԿՈՂՄԻՑ ՌՈՒՍԱՑ
ՆՈՐԸՆՏԻՐ ԱԼԵԿՍԵՅ Բ. ՊԱՏՐԻԱՐԺԻՆ ՆՎԻՐՎԱԾ ԱՐԾԱԹՅԱՆ ԽԱՂ